



Matthieu de Peager est fait Apostre de Iesus, qui conuerse avec d'autres Peagers, pour les appeller à repentance.

LE Sauueur Iesus-Christ, qui n'a desiré autre chose que de ramener les brebis égarées en la bergerie du Seigneur, passant pardeuant le comptoir des receptes du peage, vid vn homme nommé Matthieu, autrement Leui, fils d'Aphée, Peager assis au susdit comptoir. Iesus donc luy dit, Suy-moy, & Matthieu oyant cette parole se leua incontinent, & abandonna toutes choses terrestres & mondaines, & suiuit le Seigneur Iesus : auquel peu apres il fit vn grand banquet ayant conuié plusieurs Peagers, pour les attirer à penitence ; Mais les Scribes & Pharisiens murmuroient contre les Disciples, disans ; Pourquoi mangez-vous, & beueez avec des Peagers & gens de mauuaise vie ? Adonc Iesus leur dit ; Ceux qui sont sains n'ont besoin de Medecin, ains ceux qui sont malades ; adjoustant qu'il n'estoit venu icy bas au monde, que pour appeller les pescheurs à repentance, leur remontrant ce que le Prophete Osée auoit escrit, chapitre sixième. Je veux misericorde, & non point sacrifice.

S. Matthieu Chap. 9. S. Marc Chap. 2. S. Luc Chap. 5.